



**Zajednička komisija za ljudska prava,
prava djeteta, mlade, imigraciju,
izbjeglice, azil i etiku**
Zajedničko povjerenstvo za ljudska prava,
prava djeteta, mlade, useljeništvo,
izbjeglice, azil i etiku

**Зажедничка комисија за људска права
права дјетета, младе, имиграцију,
избјеглице, азил и етику**

Broj: 03/6-50-1-5-10/08
Sarajevo, 17.3.2008. godine

Na osnovu člana 50. Poslovnika Predstavničkog doma Parlamentarne skupštine BiH („Službeni glasnik BiH“, br.33/06, 41/06, 81/06 i 91/06) i člana 44. Poslovnika Doma naroda Parlamentarne skupštine BiH („Službeni glasnik BiH“, br. 33/06, 41/06 i 91/06), **Zajednička komisija za ljudska prava, prava djeteta, mlade, imigraciju, izbjeglice, azil i etiku Parlamentarne skupštine Bosne i Hercegovine** podnosi

IZVJEŠTAJ O RADU ZAJEDNIČKE KOMISIJE ZA LJUDSKA PRAVA, PRAVA DJETETA, MLADE, IMIGRACIJU, IZBJEGLICE, AZIL I ETIKU ZA 2007. GODINU

1. Uvodne napomene

Zajednička komisija za ljudska prava, prava djeteta, mlade, imigraciju, izbjeglice, azil i etiku Parlamentarne skupštine Bosne i Hercegovine (u daljnjem tekstu: Komisija) je stalno radno tijelo. Njena nadležnost regulirana je odredbama člana 59. Poslovnika Predstavničkog doma Parlamentarne skupštine BiH („Službeni glasnik BiH“, br. 33/06, 41/06, 81/06, 91/06 i 91/07) i člana 53. Poslovnika Doma naroda Parlamentarne skupštine BiH („Službeni glasnik BiH“, br. 33/06, 41/06, 91/06 i 91/07).

Na 3. sjednici Predstavničkog doma, održanoj 9.2.2007., izabrani su članovi Komisije: Sadik Ahmetović, Azra Alajbegović, Milorad Živković, Denis Bećirović, Niko Lozančić i Sefer Halilović, a na 2. sjednici Doma naroda, održanoj 16.3.2007., izabrani su članovi: Alma Čolo, Adem Ibrahimpašić, Ivo Miro Jović, Ilija Filipović, Zoran Koprivica i Drago Ljubičić.

Tokom 2007. godine Komisija je održala sedam sjednica. Konstituirajuća sjednica održana je 21.3.2007., na kojoj je za predsjedavajućeg Komisije izabran Sadik Ahmetović; za prvog zamjenika Zoran Koprivica i za drugog zamjenika predsjedavajućeg Ivo Miro Jović.

Komisija je od konstituiranja radila na provođenju obaveza utvrđenih poslovnica i odlukama kolegija domova.

2. Aktivnosti Komisije tokom 2007. godine

a. Zakonske aktivnosti

Članovi Komisije su tokom 2007. godine razmatrali tri prijedloga zakona i uspješno izradili i uputili u parlamentarnu proceduru Kodeks ponašanja za poslanike i delegate u Parlamentarnoj skupštini BiH.

1. Zakon o izmjenama i dopunama Zakona o državljanstvu (predlagač: poslanik Remzija Kadrić);
2. Zakon o zabrani, negiranju, minimiziranju, opravdavanju ili odobravanju holokausta, zločina genocida i zločina protiv čovječnosti (predlagač: poslanik Ekrem Ajanović);
3. Zakon o izmjenama i dopunama Zakona o policijskim službenicima (predlagač: Vijeće ministara BiH);
4. Kodeks ponašanja za poslanike i delegate u Parlamentarnoj skupštini BiH (predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku);
5. Izbor i imenovanje Vijeća nacionalnih manjina u BiH.

Zakon o izmjenama i dopunama Zakona o državljanstvu razmatran je na 3. sjednici Komisije, održanoj 15.5.2007. Izjašnjavanje o principima Zakona odgođeno je dok se ne uradi redefiniranje Prijedloga zakona o izmjenama i dopunama Zakona o državljanstvu i ne pribave mišljenja Predsjedništva BiH i Vijeća ministara BiH.

Zakon o zabrani, negiranju, minimiziranju, opravdavanju ili odobravanju holokausta, zločina genocida i zločina protiv čovječnosti razmatran je na 6. sjednici Komisije, održanoj 5.11.2007. Komisija nije podržala principe Zakon o zabrani, negiranju, minimiziranju, opravdavanju ili odobravanju holokausta, zločina genocida i zločina protiv čovječnosti. Predstavnički dom Parlamentarne skupštine BiH je na 18. sjednici, održanoj 12., 13. i 17.12. 2007., odbio mišljenje Komisije o principima Zakona o zabrani, negiranju, minimiziranju, opravdavanju ili odobravanju holokausta, zločina genocida i zločina protiv čovječnosti i Zakon uputio u ponovnu komisijsku proceduru u kojoj će Komisija doraditi tekst Zakona, uključujući pri tome mišljenja Vijeća ministara BiH, Ministarstva pravde BiH, Ministarstva za ljudska prava i izbjeglice BiH, nevladinih i međunarodnih organizacija.

Zakon o izmjenama i dopunama Zakona o policijskim službenicima

Komisija je na 7. sjednici, održanoj 5.11. 2007., razmatrala Zakon o izmjenama i dopunama Zakona o policijskim službenicima, podržala ga i uputila u daljnju parlamentarnu proceduru.

Kodeks ponašanja za poslanike i delegate u Parlamentarnoj skupštini BiH

Komisija je na 4. sjednici, održanoj 3. 7. 2007., izabrala radnu grupu u kojoj su bili: Alma Čolo, Azra Alajbegović, Zoran Koprivica, Ivo Miro Jović, Sefer Halilović i sekretar Komisije Samir Buljina, koja je radila na pripremi i izradi Nacrta kodeksa ponašanja za poslanike i delegate u Parlamentarnoj skupštini BiH. Radna grupa održala je dva sastanka na kojima je završena procedura izrade Nacrta kodeksa. Na 5. sjednici, održanoj 27.9. i 10.10.2007., Komisija je usvojila Prijedlog kodeksa ponašanja za poslanike i delegate u Parlamentarnoj skupštini BiH, a na 6. sjednici Komisije, održanoj 5.11.2007., usvojeni su principi Kodeksa. Prijedlog kodeksa ponašanja za poslanike i delegate u Parlamentarnoj skupštini BiH usvojen je u Predstavničkom domu na 18.

sjednici, održanoj 12., 13. i 17.12.2007., u prvom čitanju, i u Domu naroda na 11. sjednici, održanoj 31.1.2007., u prvom čitanju. Amandmanska faza je u toku.

Izbor i imenovanje Vijeća nacionalnih manjina u BiH

Komisija je na 3. sjednici, održanoj 15.5.2007., izabrala radnu grupu u kojoj su bili: Sadik Ahmetović, Zoran Koprivica, Ivo Miro Jović, Samir Buljina, Slobodan Nagradić i Maksim Stanišić, koja je radila na utvrđivanju prijedloga kandidata za Vijeće nacionalnih manjina u BiH. Radna grupa objavila je javni poziv nacionalnim manjinama u BiH da dostave prijedloge kandidata za Vijeće nacionalnih manjina u BiH, nakon čega je obavljen intervju s kandidatima i utvrđena lista od deset kandidata. Komisija je na 5. sjednici, održanoj 27.9. i 10.10.2007., usvojila predloženu listu kandidata za Vijeće nacionalnih manjina u BiH i uputila je u daljnju parlamentarnu proceduru.

Predstavnički dom, na 18. sjednici, održanoj 12., 13. i 17.12.2007., i Dom naroda, na 11. sjednici, održanoj 31.1.2008., usvojili su Listu predloženih kandidata za Vijeće nacionalnih manjina u BiH.

3. Aktivnosti vezane za razmatranje i usvajanje ostalih akata

Akti razmatrani u komisijijskoj fazi

Tokom 2007. godine Komisija je razmatrala određene akte koji nisu zakonodavnog karaktera. Komisija je razmatrala, usvojila i primila k znanju sljedeće akte:

1. Izvještaj o radu Državne komisije za reviziju odluka o naturalizaciji stranih državljana u Bosni i Hercegovini za period od 1.3.2006. do 31.1.2007.;
2. Dopis Stalnog predstavništva Bosne i Hercegovine pri Vijeću Evrope o posjeti Thomasa Hammarbergera, komesara za ljudska prava Vijeća Evrope, Bosni i Hercegovini početkom juna 2007. godine;
3. Presudu Evropskog suda za ljudska prava u vezi s Rezolucijom br. 1516 (2006.) Vijeća Evrope;
4. Državnu strategiju za borbu protiv nasilja nad djecom 2007.-2010., Ministarstvo za ljudska prava i izbjeglice BiH;
5. Dopis Udruženja građana otpuštenih radnika iz Republike Hrvatske;
6. Dopis Udruženja građana „Ensarije“ u vezi s problemom državljanstva građana afro-azijskog porijekla;
7. Zaključke i preporuke Komiteta za građanska i politička prava UN-a, kao i zaključke Vijeća ministara BiH;
8. Brošuru „Okvir za zaštitu žrtava trgovine ljudima u BiH“, (podnosilac: Bosanskohercegovačka ženska ekonomska mreža);
9. Godišnji izvještaj za 2006. godinu Udruženja "Vaša prava Bosne i Hercegovine";
10. Izvještaj o radu Državne komisije za reviziju odluka o naturalizaciji stranih državljana u BiH za period od 31.1.2007. do 31.7.2007.;
11. Informaciju Stalnog predstavništva BiH pri Vijeću Evrope;
12. Izvještaj Ombudsmena za ljudska prava Bosne i Hercegovine za 2006. godinu.

Predstavke građana i institucija koje su se obratile Komisiji

Prema odredbama člana 59. Poslovnika Predstavničkog doma Parlamentarne skupštine BiH („Službeni glasnik BiH“, br.33/06, 41/06, 81/06 i 91/06) i člana 53. Poslovnika Doma naroda Parlamentarne skupštine BiH („Službeni glasnik BiH“, br. 33/06, 41/06 i 91/06), Komisija razmatra prijedloge koje dostave građani, uz obavještanje podnosioca o ishodu, i peticije u vezi s povredama ljudskih prava i osnovnih sloboda, usvajajući odgovarajuće mjere i obavještavajući podnosioca i domove o usvojenim odlukama. U toku 2007. godine Komisija je, u skladu sa svojim nadležnostima, razmatrala i adekvatno djelovala u 34 predmeta.

Ostale aktivnosti Komisije

Komisija je održala nekoliko sastanka s različitim organizacijama i institucijama iz oblasti zaštite ljudskih prava radi sagledavanja pitanja ljudskih prava, poboljšanja zaštite ljudskih prava, načina za prevazilaženje određenih kršenja ljudskih prava i razmjene iskustava s organizacijama i institucijama koje se bave ovim pitanjem.

Realizirani su sljedeći sastanci i posjete:

- 3. 7. 2007. - radni sastanak s predstavnicima Ministarstva za ljudska prava BiH
- 15. 10. 2007. - posjeta delegacije Bundestaga, članova Komisije za peticije
- 14. 12. 2007. - sastanak s predstavnicima UNHCR-a u BiH
- sastanak s delegacijom Helsinškog komiteta za ljudska prava u BiH

4. Planirane aktivnosti Komisije u 2008. godini

Najznačajnije aktivnosti Komisije s utvrđenim rokovima u 2008. godini su:

- razmatranje zakona i drugih akata od ovlaštenih predlagača i dostavljanje izvještaja Predstavničkom domu i Domu naroda PSBiH;
- razmatranje pitanja iz oblasti ljudskih prava, prava djeteta, mladih, imigracije, azila i etike;
- razmatranje prijedloga podnesenih od građana i obavještanje o ishodu;
- aktivnosti u Parlamentarnoj skupštini BiH na uspostavljanju Vijeća nacionalnih manjina u BiH;
- pripremanje i utvrđivanje Prijedloga kodeksa ponašanja za poslanike i delegate u Parlamentarnoj skupštini BiH;
- razmatranje pitanja u vezi s mogućim slučajevima kršenja Zakona o sukobu interesa u institucijama vlasti BiH izabranih zvaničnika PSBiH i Vijeća ministara BiH;
- radna posjeta zatvorskim ustanovama u BiH, psihijatrijskim ustanovama i domovima za socijalnu zaštitu;
- kontakti s ombudsmenima za ljudska prava i sagledavanje usaglašavanja aktivnosti na zaštiti ljudskih prava i sloboda;
- saradnja sa institucijama vlasti BiH, nevladinim i međunarodnim organizacijama;
- obilježavanje najznačajnijih međunarodnih datuma koji se tiču nadležnosti Komisije.

Rezime

Na osnovu navedenih aktivnosti, može se zaključiti da je Komisija uspješno realizirala sve postavljene zadatke.

Za uspješniji rad Komisije potrebno je osigurati kancelarijski prostor.

S obzirom na brojne nadležnosti Komisije, radi efikasnosti i kvaliteta rada, potrebno je osnovati komisiju pri Parlamentarnoj skupštini BiH koja bi preuzela dio nadležnosti Zajedničke komisije za ljudska prava, prava djeteta, mlade, imigraciju, izbjeglice, azil i etiku PSBiH.

**Predsjedavajući Komisije
Sadik Ahmetović,s.r.**